

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

Opvscvla Spiritvalia - I. Horologium Asceticum. II. Principia Vitae
Christiana. III. Manuductio ad Coelum. IV. Via Compendii ad Deum. V. De
Sacrificio Missae. VI. De Discretione Spirituum ... Operum Eminentiss.
Cardinalis, Tom. I

Bona, Giovanni

Parisiis, 1677

§. 1. Svrrectio matutina

urn:nbn:de:hbz:466:1-9969



HOROLOGIUM ASCETICUM,

*INDICANS MODVM RITE ET
cum fructu obeundi Christianas Exercitationes,
qua singulis certisque diebus occurunt.*

CAPUT I.

DE INITIO DIEL.

§. I. Surrectio Matutina.

 U M mane evigilaveris, sit prima vox tua,
quæ postrema futura est: JESUS, MARIA.
Tum mentem ad Deum eleva, ne ad vana,
& curiosa volvenda distrahatur. Considera
ipsum esse primum principium, & ultimum finem tuum,
& piis affectibus ad eundem aspira, ne pondere corru-
ptionis depressa voluntas ad amorem creaturarum laba-
tur. Sicut oculi corporis summo mane luci sensibili ape-
riuntur; ita oculi animæ luci spirituali, & divinæ aperiend
i sunt. Tum etiam cavendum, ne prius corpus, quam
anima evigilet: multi enim sunt quorum anima vigilante
corpore adhuc dormit, qui videlicet multa negotia terre-
na peregerunt antequam cor ad Deum erigant. Homo
siquidem expergefactus eò se statim duci sinit, quo magis
inclinatur. Qui mundum, & creaturas magis diligit,
quam Deum, statim mundi cogitationibus repletur; qui
vero Deum praे omnibus diligit, ad illum protinus con-

A iij

6. HOROLOGIUM

vertitur, & de illo cogitat.

2. Intuere quasi cœlum apertum, & magna animi alacritate psalle cum cœlestibus Spiritibus sacrum Trisagion dicens: *Sanctus, Sanctus, Sanctus, Dominus Deus Sabaoth. Pleni sunt Cœli, & terra gloria tua. Benedicta sit sancta Trinitas, atque indivisa Unitas. Confitebimur ei, quia fecit nobiscum misericordiam suam. Anima mea desideravit te in nocte, sed & spiritu meo in praecordiis meis de mane vigilavi ad te, Deus meus, spes mea, amor meus & omnia, humiliter petens, ut tua multiformi gratia penetralia cordis mei perfundas, & igne tui amoris vehementer accendas.*

3. Hæc & similia dicens surge velociter, ac si ignis cubili injectus esset. Magni momenti est propéra diligens que surrectio, è qua ferè dependet divina visitatio, totiusque diei fervor & alacritas. Postquam verò surrexeris, signa te signo Crucis tanquam potenti panoplia adversus insidias inimici. Deinde humili procumbens Deum adora dicens: *Lando, glorifico, & adoro te, sancta Trinitas unus Deus, & nihilum meum agnoscens, infra omnes creaturas me prorsus abjicio; & offero ad omne beneplacatum tuum, in tempore & in æternitate. Mox terram osculare, ut coram Deo profitearis te terram esse, & citò in terram reversurum.*

4. Dum indueris cogita vestium originem ex peccato esse, & dum lectum componis, dulcia cum Deo misce colloquia variis actibus fidei, spei, & charitatis, quorum formulam reperies infra §. 5. Postea præsentior tibi factus propone hunc diem transfigere tanquam postremum vitæ tuæ. Exurge è veterno tot vitiorum, & propéra in via virtutum, donec hodie cognominatur, ut ait Apostolus. Firmiter statue non peccare amplius, à solitis imperfectionibus abstinere, omnem crucem quam Deus immiserit, patienter ferre; humanis rationibus non moveri, solam æternitatem præ oculis habere.

5. Quicquid per diem acturus es, prævide, & offer Deo

A s e c t i c u m.

purissima intentione. Præpara & præmuni te ad omnia, quæ probabiliter conjicis posse tibi evenire, locis, negotiis, sociis, & occasionibus rite perpensis: cumque futura peccandi pericula prævideris, accurate disquire, quibus remediis te possis ab omni labore immunem custodire. Præordina actiones tuas, & modum in iis servandum: quid facies, quid vitabis, quibus verbis uteris, qua modestia conversaberis. Renova vota tua, & bona proposita olim concepta, actusque virtutis illius elice, qua præ cæteris maximè indiges.

6. His peractis unam ex subjectis orationibus devotè, & reverenter recitabis, sive prolixiorem, si nullis occupationibus impediris: sive breviores si pro ratione tui statutus, curis & negotiis implicaris. Continent singulæ septem actus. Primus est adoratio, quæ consistit in veneratione, & recognitione divinæ Majestatis, & in protestatione nostræ dependentiæ ab ipso, & submissionis sub ejus supremo dominio. 2. Gratiarum actio pro omnibus beneficiis, generalibus & particularibus, præsertim verò pro custodia transactæ noctis. 3. Contritio de peccatis cum proposito emendationis. 4. Petitio ut ea die te Deus custodiat, & beneplacitum suum in te perficiat. 5. Oblatio tui ipsius, omniumque actionum, verborum, affectuum, cogitationum, motuum, cum recta intentione, & unione tuæ voluntatis cum divina. 6. Invocatio Deiparæ, omniumque Angelorum, & Sanctorum, præcipue tutelarium. 7. Postulatio pro omni statu hominum, pro vivis & defunctis.

§. II. Oratio prolixior manè recitanda.

Adoratio.

O Mnipotens æterne Deus, Rex cœli & terræ, & Creator universorum, ego indignissima creatura tua in centro nihilitatis meæ ante Majestatem tuam humiliè provolutus, terræ adhærens, ex qua plasasti me, &

A. iiiij